

# Liedjesreglement



Motto 2020-2021 "Weej zien d'r klaor veur!"

## Belangriëke data:

- Sloëtingsdatum inschriëving: 14 juli 2020
- Inlevere gevraagde bestande via internet (Wetransfer), e-mail of CD: 14 juli 2020
- Rippetitie veurselektie: dónderdaag 20 augustus 2020
- Veurselektie: maondaag 24 augustus 2020
- Liedjesmatinee: zónndaag 27 september 2020

Óg tekste en meziek kint geej insteure

- via de website: <https://www.wortelepín.nl/inschriëve-liedjesmatinee/>
- via e-mail: [liedjes@wortelepín.nl](mailto:liedjes@wortelepín.nl)
- Wetransfer.com

## Inzende van de liedjes:

1. *Insteure met inachtneming van de sloëtingsdatum. Alle benuuëdigheden: -teks, en -opname van 't liedje, kinne via 't inschriëfformulier op de website of per e-mail (liedjes@wortelepín.nl) of via wetransfer ingesteurd waere,.*
2. D'n oproop veur de liedjes, danwal de sloëtingstermien zal in 'n plaatselik daag- of waekblaad en op de website [www.wortelepín.nl](http://www.wortelepín.nl) bekind waere gemak.
3. De sloëtingsdatum is d'n aangegaeve daag um 24.00 oor.
4. Alle inzenders kriege berich van óntvangs van eur inzending(e). De informatie euver de veurselektie en oefensessies kumt tiedig in zomervekansie.
5. Ein liedjes mótte origineel zien van teks en meziek en meuge neet ierder aan ein of andere kompetitie hebbe meigedaon.
6. Tekste dene te waere ingedeend in algemeen beschaaf Bliëricks. As tekste of deile heejvan neet korrek zien naor meining van Vastelaovesgezelschap 'de Wortelepín', dan zulle de inzenders heejvan mondeling op de huuëgte waere gebrach en in de gelaegenheid waere gesteld um de teks zoë meugelik aan te passe.
7. De inzending deent te bestaon oët:
  - 'Teks in 'n Word bestand, behurend beej de pianopartiej. De ingeleverde teks zal in 'n standaard opmaak gezatte waere en daornao óngewiezig waere aafgedrök in 't tekstukske.
  - 'n Opname bestaonde oët WAV of MP3 bestande, in eige behier opgenaome, waarop 't liedje steit in de volgende versies:
    - Instrumentaal
    - De verkorte versie

- Midifile van de orkesband. (optioneel)
- Wannier d'r gen midifile of partituur meigeleverd is, wuurt 'n zoë good meugelik klinkend arrangement gemak, raekening haldend met de orkesband.

8. Veur de verkorte versie gelde de volgende twië meugelikhede:

1. 't Liedje begint nao de intro met 't refrein.  
De verkorte versie wuurt dan: refrein – koeplet – refrein – eventueel brök / modulatie – refrein.
2. 't Liedje begint nao de intro met 't koeplet.  
De verkorte versie wuurt dan: koeplet – refrein – eventueel brök / modulatie – refrein

9, Op meziek en tekspepeer meuge gen name vermeld staon. Op 't aanmeldingsformulier deent dudelik te waere aangegaeve:

- a. Naam, til.nr. en e-mail van de komponis
- b. Naam, til.nr. en e-mail van tekstdichter
- c. Naam, til.nr. en e-mail van de leadzanger/kóntakpersoën

**Let op:** As d'r 'nne groep zingk, dan gaer van de euverige zangers allein de naam en 't email van dees groepsleje.

Moch geej probleme hebbe met 't in eige behier make van de opname of met 't arrangement, dan wille weej óch gaer de helpende hand beje. Dit kint geej kinbaar make via 't e-mailadres [liedjes@wortelep.nl](mailto:liedjes@wortelep.nl).

### Veurschif t.a.v. 't liedje

1. As 'n liedje gekaoze is um door te gaon naor 't Liedjesmatinee, dan meug dit neet mier tekstueel of instrumentaal gewiezig waere. De inzending is dan zoëdanig bindend in 't gehiële vervolgetrajek.
2. T.a.v. de lingkte van 't liedje geldt de beperking det max. 3 koeplette en 1 refrein gezónge meuge waere, waarbeej Vastelaovesgezelschap 'de Wortelep' zich 't rech veurbeheld um, i.v.m. de samestelling van de geluidsdrager, 1 koeplet te laote vervalte.

### Veurschif t.a.v. tekstdichter en/of komponis

1. 'nne Tekstdichter(es) en/of komponis meug met maximaal 4 inzendinge aan de veurselektie meidoon.
2. De liedjes meuge allein ónder eige naam van tekstdichter en komponis waere ingedeend, dae is bindend.

### Veurschif t.a.v. zanger/oëtveurende

1. De zanger meug maximaal 3 kiër as oëtveurende aan de veurselektie meidoon.
2. De minimum laeftiëd veur deilname is 16 jaor.
3. De veur 'n liedje opgegave naam van de oëtveurende persoën is bindend.

4. Liedjes kinne door maximaal 6 persoëne waere geprissenteed, waarbeej eventueel óndersteuning van 'n koër is toegestaon, nao oëtdrökkelike toestumming van Vastelaovesgezelschap 'de Wortelepín'.

### Veurselektie algemeen

1. Veuraafgaond aan de veurselektie zal 'nne rippetitie-aovend gehalde waere.
2. Toegang tot de veurselektie hebbe de op 't inschriefformelier vermelde tekstdichters, komponis en oëtveurende en verder de jury, technicus (aangesteld door Vastelaovesgezelschap 'de Wortelepín'), de arrangeur, *vertegewoordiging* van de Hofkepel, 't Bestuur van Vastelaovesgezelschap 'de Wortelepín' en leje van Vastelaovesgezelschap 'de Wortelepín' die vanoët eur taak daorveur zien aangeweze.
3. De volgorde van de liedjes op de veurselektie zal door Vastelaovesgezelschap 'de Wortelepín' waere bepaold. Discussie heejeuver is neet meugelik.
4. De liedjes zulle 2 x waere gezónge, waarbeej in de 2e rónde 'n verkorte versie.
5. Oët alle vertolkte liedjes waere d'r 11 liedjes gekaoze door 'n stungerechtigde jury, die oët 7 Minse besteit. De 7-koppige jury is door Vastelaovesgezelschap 'de Wortelepín' samegesteld.
6. Nao d'n oëtslaag zal door loëting de volgorde van optraeje op 't Liedjesmatinee waere vasgesteld, waarbeej Vastelaovesgezelschap 'de Wortelepín' zich 't rech veurbeheld um de volgorde in euverleg te verandere, as dit 'n baeter verloup van 't Liedjesmatinee tot gevolg zal hebbe.

### Liedjesmatinee

1. 't Liedjesmatinee zal plaatsvinde op 'n door Vastelaovesgezelschap 'de Wortelepín' te bepaole datum en tiëdstip.
2. Zoë dök as Vastelaovesgezelschap 'de Wortelepín' 't nuuëdig ach zal d'r 'n rippetitie met de Hofkapel veuraaf gaon aan 't Liedjesmatinee.
3. De liedjes waere gezónge (wie op de veurselektie) in 2 róndes. Waarbeej in de 2e rónde de verkorte versie, wuurt oëtgeveurd.
4. Alle deilnemers verplichte zich beej eur optraeje te verschiene in gepaste, gen aanstoëtgaevende kleiding. Spijker- of vrejetiëdskleier waere as óngepas beschouwd.
5. Beïnvloeding van jury en/of publiek door middel van kleiding, attribute, in welke vorm dan ouk, is neet toegestaon.
6. De indoëtslaag zal tot stand kómme op basis van de jury-beoordeiling in combinatie met de aanvóllende oëtslaag van de keuzes van 't publiek in de zaal.
7. 't Oëtgebrachte puntetotaal van de vakjury en van 't publiek van iddere deilnemer, zal nao telling aan 't publiek kinbaar gemak waere.
8. Zoë kómme weej tot de 4 winnende liedjes met de nummers 1, 2, 3 en 4, die dan ouk zoëdanig waere oëtgebrach. Taeves waere de plaatsnummers 5 t/m 11 bekind gemak.

## Verplichtinge van de winnaers

1. Alle winnaers (1 t/m 4) verplichte zich alle door Vastelaovesgezelschap 'de Wortelepin' georganiseerde evenemente van 't betreffende Vastelaovesseizoen op te luustere, veur zoëvaer Vastelaovesgezelschap 'de Wortelepin' det nuuëdig ach. Te raekene is met:
  - Inschete
  - Bliërick Trap aaf
  - Swaree
  - Zonedaag
  - Gaejerprissentatie
  - Dames- en Hiërezitting
  - SOB zitting
  - KinderFamilieZitting
  - Receptiezóndaag
  - Groët Gala Worteletruuj (allein liedje 1)
  - Vastelaoveszóndaag
  - Rouse in 't Raodhoes (Vastelaovesmaondaag)
  - Vastelaovesdinsdaag
2. Alle winnaers verplichte zich tiëd te rissereve um alle rippetities beej te woëne, die nuuëdig zien veur 'n good verloup van eur optraeje.
3. Alle winnaers verplichte zich beej eur optraeje te verschiene in gepaste, gen aanstoëtgaevende kleiding. Spijker- of vrejetiëdskleier waere as óngepas beschouwd. Op 't Swaree en 't Groët Gala Worteletruuj waere de hiëre geach in smoking en de dames in aovendkleiding te verschiene.
4. De opgenomme nummers meuge door Marlestone geplaats waere op eur jaorlikse cd "Vastelovend van Eijsde tot de Mookerhei". De Wortelpein haet gen invloed op de plaatsing.
5. Door inzending van 'n liedje en door deilneming aan veurselektie of Liedjesmatinee, gaon de deilnemers akkoord met de veurwaardes, gesteld in dit reglement.

## Algemein

In zake waarin dit reglement neet veurzuut, beslist de Organisatie Kemissie.

Heb geej vraoge, hetzij euver meugelikhede, ondudelikhede of andere zake, dan kint geej kóntak opneme met Joyce Smeets, til.nr. 06-34315466 of e-mail: [liedjes@wortelepin.nl](mailto:liedjes@wortelepin.nl).